

唐

音

統

籤

丙箋二十五

唐音統籤卷

十一百二

崔顥汴州人開元十一年進士第有俊才蒲博嗜

酒色嘗客鎮西杜希望幕府終司勳員外郎集一

卷

唐宋志同 本傳云顥無士行娶妻惟擇美者

不愜卽棄之凡四五娶初李邕聞其名虛舍待
之顥至獻詩首章云十五嫁王昌邕叱曰小兒無
禮不與接而去 殷璠云顥少年爲詩屬意浮豔
多陷輕薄晚歲忽變常體風骨凜然如殺人遼水
上走馬漁陽歸錯落金鐙甲蒙茸貂鼠衣又秋風
吹淺草獵騎何翩翩插羽兩相顧鳴弓新上弦一
窺塞垣說盡戎旅鮑昭江淹須有慚色 徐獻忠
云顥詩氣格奇俊聲調雋美善說塞垣景象然性
本靡薄慕尚閨幃集中此類殊復不少太白極推
黃鶴樓之作然顥多大篇寶曠
世高手黃鶴雖佳未足上列

五言古詩

雜詩

可憐青銅鏡掛在白玉堂
玉堂有美女嬌弄明月
光羅袖拂金鵲綵屏點紅妝
妝罷含情坐春風
桃李香

結定襄郡獄效陶體

我在河東時使往定襄
里定襄諸小兒爭訟紛城
市長老莫敢言太守不能理
謗書盈几案文墨相填委
牽引肆中翁追呼田家子
我來折此獄師聽辨疑似
小大必以情未嘗施鞭箠
是時三月暮遍野農桑起
里巷鳴春鳩田園引流水
此鄉多雜俗

戎夏殊音旨顧問邊塞人勞情曷云已

入若耶谿

輕舟去何疾已到雲林境起坐雲鳥間動搖山水
影巖中響自答谿裏言彌靜事事令人幽停橈向
餘景

遊天竺寺

晨登天竺二山山殿朝陽曉

一作
天

泉爭噴薄江岫

相縈繞直上孤頂高平看衆峯小南州十二月地
煖冰雪少青翠滿寒山藤蘿覆冬沼花龕瀑布側
青壁石林杪鳴鐘集人天施飯聚猿鳥洗意歸清

淨澄心悟空了始知世上人萬物一何擾

古遊俠呈軍中諸將

少年負膽氣好勇復知機仗劍出門去孤城逢合
圍殺人遶水上走馬漁陽歸錯落金鏢甲蒙茸貂
鼠衣還家行且一作且行獵弓矢速如飛地迴鷹犬疾
草深狐兔肥腰間帶一作帶垂兩綬轉盼生光輝顧謂
今日戰何如隨建威

贈輕車

悠悠遠行歸經春涉長道幽冀桑始青洛陽蠶欲
老憶昨戎馬地引時心草草烽火從北來邊城閉

常早平生少相遇未得展懷抱今日杯酒間見君
交情好

贈王威吉

三十羽林將出身常事邊春風吹淺草獵騎何翩
翩插羽兩相顧鳴弓新上弦射麋入深谷飲馬投
荒一作向寒泉馬上共傾酒野中聊割鮮相看未及飲
一作雜虜寇幽燕烽火去不息胡塵一作高際天

長驅救東北戰解城亦全報國行赴難古來皆共
然

贈懷一上人

法師東南秀世實豪家子削髮十二年誦經峨眉
裏自此照羣蒙卓然爲道雄觀生盡入妄悟有皆
成空淨體一作洗意無衆染苦心歸妙宗一朝勅書至
名入承明宮說法金殿裏焚香清禁中傳燈遍都
邑杖錫遊王公天子揖妙道羣僚趨下風我法本
無着時來出林壑因心得化城一作成隨病皆與藥
上啓黃屋心下除蒼生縛一從入君門說法無朝
昏帝作轉輪主師爲持戒尊軒風灑甘露佛雨生
慈根但有滅度理而生開濟恩復聞江海曲好殺
成風俗帝曰我上人爲除羶腥欲是日發西秦東

南至斬春風將衡桂接地與吳楚鄰舊少清信士
寔多漁獵人一聞吾師至捨網江湖濱作禮懺前
惡潔誠期後因因成日既久事濟身不守更出淮
楚間復來荆河口荆河馬卿岑茲地近道林入講
鳥常狎坐禪獸不侵都非緣未盡曾是教所任故
我一來事永承微妙音竹房見衣鉢松宇清身心
早悔業至淺晚成計可尋善哉遠公義清淨如黃

金

七言古詩

長安道

一作霍將軍

卷一百二十一

四

三

七

長安甲第高入雲誰家居住霍將軍日晚朝迴擁
賓從路傍揖拜何紛紛莫言炙手手可熱須臾火
盡灰亦滅莫言貧賤即可欺人生富貴自有時一
朝天子賜顏色世上一作悠悠應一作始知

行路難

君不見建章宮裏金明枝萬萬長條拂地垂二月
三月花如霰九重幽深君不見豔彩朝含四寶宮
春風旦入朝雲殿漢家宮女春未闌愛此芳香朝
暮看看來看去心不忘攀折將安鏡臺上雙雙素
手剪不成兩兩紅粧笑相向建章昨夜起春風一

花飛落長信宮長信麗人見花泣憶此珍樹何嗟
及我昔初在昭陽時朝攀暮折登玉墀只言歲歲
長相對不悟今朝遙相思

孟門行

黃雀銜黃花翩翩傷簷隙本擬報君恩如何反彈
射金罍美酒滿座春平原愛才多衆賓滿堂盡是
忠義士何意得有讒諛人諛言讒覆那可道能令
君心不自保北園新栽桃李枝根株未固何轉移
成陰結實一作子君自取若問傷人那得知

渭城少年行

洛陽三月梨花飛秦地行人春憶歸揚鞭走馬城
南陌朝逢驛使秦川客驛使前日發章臺傳道長
安春早來棠梨宮中燕初至葡萄館裏花正開念
此使人歸更早三月便達

一作更踏

長安道長安道上

春可憐搖風蕩日曲江邊萬戶樓臺臨渭水五陵
花柳滿秦川秦川寒食盛繁華遊子春來喜見家
鬪雞下杜塵初合走馬章臺日半斜章臺帝城稱
貴里青樓日晚歌鐘起貴里豪家白馬驕五陵年
少不相饒雙雙挾彈來金市兩兩鳴鞭上渭橋渭
城壚頭酒新熟金鞍白馬誰家宿可憐錦瑟與琵琶

琶玉壺清

一作新

酒就倡家小婦春來不解羞嬌歌

一曲楊柳花

劉辰翁云崔顥落花落酣歌自得刻削乃不能及

盧姬篇

盧姬少小魏王家綠鬢紅脣桃李花魏玉綺樓十
二重水晶簾箔繡芙蓉白玉欄杆金作柱樓上朝
朝學歌舞前堂後堂羅袖人南牕北牕花發春翠
幌珠簾鬪絲管一彈一奏雲欲斷君王日晚下朝
歸鳴環佩玉一作金環玉珮生光輝人生今日得嬌貴誰
道盧姬身細微

江畔老人愁

江南年少十八九乘舟欲渡青谿口青谿口邊一
老翁鬢眉皓白已衰朽自言家代仕梁陳垂朱拖
紫三十人兩朝出將復入相五世疊鼓朱輪輪父
兄三葉皆尚主子女四代爲妃嬪南山陽田接御
苑北宮甲第連紫宸直言榮華未休歇不覺山崩
海將竭兵戈亂入建康城煙火連燒未央闕衣冠
士子陷鋒刃良將名臣盡埋沒山川改易失市朝
衢路縱橫填白骨老人此時尚少年脫身走得投
海邊罷兵歲餘未敢出去鄉三載方來旋蓬蒿忘
却五城宅草木不識青谿田雖然得歸到鄉土零

丁貧賤長辛苦采樵屢入歷陽山川稻常過新林
浦少年欲知老人歲豈知今年一百五君今少壯
我已衰我昔少年君不睹人生貴賤各有時莫見
羸老相輕欺感君相問爲君說說罷不覺令人悲

邯鄲宮人怨

邯鄲陌上三月春暮行逢見一婦人自言鄉里本
燕趙少小隨家西入秦母兄憐愛無儔侶五歲名
爲阿嬌女七歲丰茸好顏色八歲黠惠能言語十
三兄弟教詩書十五青樓學歌舞我家青樓臨道
傍紗牕綺幔暗聞香日暮笙歌君駐馬春日妝梳

妾斷腸不用城南使君壻本求三十侍中郎何知
漢帝好容色玉輦攜登歸建章建章宮殿不知數
萬戶千門深且長百堵塗椒接青瑣九華閣道連
洞房水晶簾箔雲母扇琉璃牕牖玳瑁牀歲歲年
年奉歡宴嬌貴榮華誰不羨恩情莫比陳皇后寵
愛全勝趙飛燕瑤房侍寢世莫知金屋更衣人不
見誰言一朝復一日君王棄世市朝變宮車出葬
茂陵田賤妾獨畱長信殿一朝太子升至尊宮中
人事如掌翻同時侍女見讒毀後來新人莫敢言
兄弟印綬皆被奪昔年賞賜不復存一旦放歸舊

鄉里乘車垂淚還入門父母愍我會富貴嫁與西
舍金王孫念此翻覆復何道百年盛衰誰能保憶
昨尚如春日花悲今已秋秋時草少年去去莫停
鞭人生萬事由上天非我今日獨如此古今歇薄
皆共然

川上女

川上女晚妝鮮日落青渚試輕楫汀長花滿正廻
船暮來浪起風轉緊自言此去橫塘近淥江無伴
夜獨行獨行心緒愁無盡

鴈門胡人歌

高山代郡東接燕鴈門胡人家近邊解放胡鷹逐

一作霧

塞鳥能將代馬獵秋田山頭野火寒多燒雨

一作關

西無鬪戰時時醉向

酒家眠

代閨人答輕薄少年

妾家近隔鳳凰池粉壁紗幮楊柳垂本期漢代金
吾婿誤嫁長安游俠兒兒家夫婿多輕薄借客採
丸重然諾平明挾彈入新豐日晚揮鞭出長樂青
絲白馬冶遊盤能使行人駐馬看自矜陌上繁華
盛不念閨中花鳥闌花間陌上春將晚走馬鬪雞

猶未返三時出望無消息一去那知行近遠桃李
花開覆井欄朱樓落日捲簾看愁來欲奏相思曲
抱得秦箏不忍彈

七夕

長安城中月如練家家此夜持針線僊裙玉佩空
自知天上人間不相見長信深陰夜轉幽玉堦金
閣數螢流班姬此夕愁無限河漢三更看斗牛

五言律詩

長門怨

君王寵初歇棄妾長門宮
青苔滿高樓明月

空夜愁生枕席春意罷簾櫳泣盡無人問容華落
鏡中

王家少婦

十五嫁王昌盈盈入書堂自矜年作年最少復倚
嬌郎舞愛前谿綠歌憐子夜長閑來鬪百草度
日不成粧

岐王席觀妓

一作盧女曲

二月春來半官中日漸長柳垂金屋暖花發

一作覆

玉樓香拂匣先臨鏡調笙更炙簧還將歌舞態只

擬奉君王

未二句一作長將盧女曲夜夜奉君王

上巳

巳日帝城春傾都袂襍辰停車須傍水奏樂要驚
塵弱柳障行騎浮橋擁看人猶言日尚早更向九
龍津

晚入汴水

昨晚南行楚今朝北汴河客愁能幾日鄉路漸無
多晴景搖津樹春風起棹歌長淮亦已盡寧復畏
潮波

發錦沙村

北上途未半南行歲已闌孤舟下建德江水入新

安海近山常雨豁深地早寒行行泊不可須及子
陵難

題潼關樓

客行逢雨霽歇馬上津樓山勢雄三輔關門扼九
州川從陝路去河遠華陰流向晚登臨處風煙萬
里愁

題沈隱侯八詠樓

梁日東陽守爲樓望越中綠牕明月在青史古人
空江靜聞山狹川長數塞鴻登臨白雲晚流恨此
遺風

贈梁州張都督

聞君爲漢將虜騎罷

一作不

南侵出塞

一作積

清沙漠

還家拜羽林風霜臣節苦歲月主恩深爲語西河

使知余

一作君

報國心

寄盧八象

客從巴水渡傳爾泝行舟是日風波霽高唐雨半
收青山滿蜀道綠水向荊州不作書相問誰能慰
別愁

送單于裴都護赴西河

征馬去翩翩城秋月正圓單于莫近塞都護欲臨

邊漢驛通煙火胡沙乏

一作泛

井泉功成須獻捷未

必去經年

五言排律

相逢行

妾年初二八家住洛橋頭玉戶臨馳道朱門近御
溝使君何暇問夫婿大長秋女弟新承寵諸兄近
拜侯春生百子殿花發五城樓出入千門裏年年
樂未休

遼西作

燕郊芳歲晚殘雪東邊城四月青草合遼陽春水

生胡人正牧馬漢將日徵兵露重寶刀濕沙虛金
鼓鳴寒衣着已盡春服與誰一作誰與成寄語洛陽使

爲傳邊塞

一作情

舟行入剡

鳴棹下東陽回舟入剡鄉青山行不盡綠水去何
長地氣秋仍濕江風晚漸涼山梅猶作雨谿橘未
知霜謝客文逾盛林公未可忘多慙越中好流恨
閱時芳

奉和許給事夜直簡諸公

西掖黃樞近東曹紫禁連地因才子拜人用省郎

遷夜直十門靜河朔萬事懸建章宵漏急聞闔曉
鐘傳寵列貂蟬位恩深侍從年九重初起草五夜
卽成篇願已無官次猶涯但自憐遠陪蘭署作空
此仰神倦

澄水如鑑

聖賢將立喻上善貯情深潔白依全德澄清有片
心澆浮知不撓濫濁固難侵方寸懸高鑑生涯詎
陸沈對泉能自誠如鏡靜相臨廉慎傳家政流芳

合古今

七言律詩

行經華陰

峒巖太華俯咸京，天外三峯削不成。
武帝祠前雲欲散，仙人掌上雨初晴。
河山北枕秦關險，驛樹西連漢時平。
借問路傍名利客，無如此處學長生。

蘇祐

道旃璵言云：詩人體物情思讀者未至其地，雖賞其句，其所以工或未知也。崔顥行經華陰一聯云：武帝祠前雲欲散，仙人掌上雨初晴。儂字插雲非雨後晴，霽莫可見。

黃鶴樓

昔人已乘白雲

一作黃鶴

去，此地空餘黃鶴樓。

一去不復返，白雲千載空悠悠。
晴川歷歷漢陽樹，春

一作芳

草萋萋，鸚鵡洲日暮鄉關何處是。

一作在

煙波

江上使人愁

按李白鳳凰臺詩結語偶與此篇類世人因傳白登此樓造語不得之說

考僧家偈一拳搥碎黃鶴樓一脚踢翻鸚鵡洲眼前有景道不得崔顥題詩在上頭此自彼宗僧拈語耳豈真白詩哉宋嚴滄浪誤信因此爲唐七律第一胡元瑞駁爲歌行短章未足壓卷良有旨

五言絕句

長干曲四首

一作江南曲

君家何處住

一作定何處

妾住在橫塘停船暫借問或

恐是同鄉

家臨九江水來去九江側同是長干人生小不相

識

劉辰翁云只寫相問語其情自見

下渚多風浪蓮舟漸覺稀那能不相待獨自逆

一作

送
潮歸

三江潮水急五湖風浪涌
由來花性輕莫畏蓮舟
重

七言絕句

維揚送友還蘇州

長安南下幾程途
得到邗溝弔綠蕪
渚畔鱸魚舟
上釣羨君歸老向東吳

卷終

丙籤二十六

唐音統籤卷

一百二十二

常建

失其字里

開元十五年進士第大曆中爲盱眙尉

詩一卷

唐宋志同言也曩劉楨

死於文學左思終於記室鮑

照卒於參軍今常建亦淪於一尉悲夫建詩似初
發通莊却尋野逕百里之外方歸大道所以其旨
遠其興僻佳句輒來惟論表至如松際露微月
清光猶爲君又山光悅鳥性潭影空人心此例數
十句竝可稱爲警策一篇盡善者戰餘落日黃軍
敗鼓聲死今與山鬼鄰殘兵哭遼水思旣邈苦詞
又警絕潘岳雖云能敘
悲怨未見如此章句也

五言古詩

春詞三首

菀菀黃柳絲濛濛雜花垂日高紅妝臥倚對

一作

春光

一作威

遲寧知傷淇水驥裹黃金羈

翳翳陌上桑南枝交北堂美人金梯出素手自提

筐非但爲

一作畏

蠶饑盈盈嬌路旁

階下草猶短牆頭梨花白織女高樓上停梭顧行
客問君在何所青鳥舒錦翻

塞上曲

翩翩雲中使來問太原卒百戰苦不歸刀頭怨明
月塞雲隨陣落寒日傷城沒城下有寡妻哀哀哭
枯骨

古意四首

二三河嶽英
靈作祖詠詩

牧馬古道傍道傍多古墓蕭條愁殺人蟬鳴白楊
樹回首望京邑合沓生塵霧富貴安可常歸來保
貞素

二妃方訪舜萬里南方懸還道隔江漢孤舟無歲
年不知蒼梧處氣盡呼青天愁淚變楚竹蛾眉喪
湘川後人立爲廟累世稱其賢過客設祠祭狐狸
來坐邊懷古未忍還猿吟徹空山

明月照高閣綵女褰羅幕歌舞臨碧雲簫聲沸珠
箔青鸞臨南海天上雙白鶴萬里齊翼飛意求君
門樂玉霄九重閉金鎖夜不開兩翅自無力愁鳴

雲外來能深人空貴世屈無良媒俛仰顧中禁東
飛白玉臺

楚王竟何去獨自留巫山偏使世人見迢迢江漢
間駐舟春谿裏皆願拜靈顏寤寐見神女金紗鳴
珮環閑豔絕世姿令人氣力微含笑竟不語化作
朝雲飛

古典

漢上逢老翁江口爲僵屍白髮霑黃泥遺骸集烏
鴟機巧自此忘精魄今何之風吹釣竿折魚躍安
能施白水明汀洲菰蒲冒深陂唯留扁舟影繫在

長江湄突兀枯松枝悠揚女蘿絲託身難憑依生
死焉相知徧觀今時人舉世皆爾爲將軍死重圍
漢卒猶一馳百馬同一銜萬輪同一規名與身孰
親君子固宐思

江上琴興

江上調玉琴一絃清一心泠泠七絃通萬木澄幽
陰能使江月白又令江水深始知枯桐枝可以徽

黃金

劉辰翁云
等閑楚楚

張山人彈琴

君去芳草綠西峯彈玉琴豈惟丘中賞兼得清煩

襟朝從山口還出嶺開清

幽一作

音了然雲霞氣

一作

意照見天地心玄鶴下澄空翩翩舞松林改絃扣

一作

商聲又聽飛龍吟稍覺此身妄漸知僊事深

其將鍊金鼎承以

一作

投吾簪

高樓夜彈箏

高樓百餘尺直上江水平明月照人苦開簾彈玉
箏山高猿狖急天靜鴻鴈鳴曲度猶未終東峯霞
半生

湖中晚霽

湖廣舟自輕江天欲澄霽是時清楚望氣色猶霾

曠脚踏金霞白波上日初麗煙虹落鏡中樹木生
天際杳杳涯欲辨濛濛雲復閉言乘星漢明又覩
寰瀛勢微興從此愜悠然不知歲試歌滄浪清遂
覺乾坤細豈念客衣薄將期永投袂遲迴漁父間
一鴈聲嘹唳

閑齋卧雨行藥至白館稍次湖亭二首

旬時結陰霖簾外初白日齋沐清病容心寬畏虛
室閑梅照前戶明鏡悲舊質同袍四五人何不來
問疾

行藥至石壁東風變萌芽山人山門綠小隱湖中

唐音
花時物堪獨往春帆空別家辭君向滄海汗燬從
天涯

夢太白西峯

夢寐升九崖杳靄逢元君遺我太白峯
峯一作寥寥

辭垢氛結宇在星漢宴林閉氤氳檐楹覆餘翠巾

鳥生片雲時往谿谷
一作間孤亭晝仍曛松峯引

天影石瀨清霞文恬目緩舟趣霽心投鳥羣春風

又搖權潭島花紛紛

西山

一身爲輕舟落日西山際常隨去帆影遠接長天

勢物象歸餘清林巒分夕麗亭亭碧流暗日入孤
霞繼渚日遠陰映湖雲尚明霽林昏楚色來岸遠
荆門閉至夜轉清迴蕭蕭北風厲沙邊鴈鷺泊宿
處蒹葭蔽圓月逗前浦孤琴又搖曳冷然夜遂深
白露霑人袂

第三峯

西山第三頂茅宇依雙松杳杳欲至天雲梯昇幾
重瑩鳧澄玉虛以來鸞鶴蹤透迤非天人執節乘
赤龍翊映白日光縹紗輕霞容孤輝上煙霧餘影
明心胷願與黃麒麟欲飛而莫從因寂清萬象輕

雲自中峯山暝學棲鳥月來隨暗菴尋空靜餘響
嫋嫋雲谿鐘

僊谷遇毛女意知是秦宮八

谿口水石淺泠泠明藥叢入谿雙峯峻松枯疎幽

風垂嶺枝

一作竹

嫋嫋翳泉花濛濛負綠霽人目路

盡心彌通盤石橫陽崖前臨

一作流

殊未窮回潭清

雲影瀰漫長天空水邊一神女千歲爲玉童羽毛

漢代珠翠逃秦宮目覩神已寓鶴飛言未終祈

君青雲秘願謁黃僊翁嘗以耕玉田龍鳴西頂中

金梯無天接幾日來相逢

晦日馬銓曲稍次中流作

夜寒宿蘆葦曉色明西林初日在川上便澄遊子
心晴天無纖翳郊野與春陰波靜隨釣魚舟小綠
水深出浦見千里曠然諧遠尋扣船應漁父同一作
因唱滄浪吟

漁浦

春至百草綠陂澤聞鶉鷓別家投釣翁今世滄浪
情漚紵爲縵袍折麻爲長纓榮譽失本真怪人浮
此生碧水月自闊安流沙而平扁舟與天際獨往
誰能名

唐詩紀事
鄂渚招王昌齡張儉

川蘆曠野中沙上飛黃雲天晦無精光茫茫悲遠
君楚山隔湘水湖畔落日曛春鴈又北飛音書固
難聞謫居未爲歎讒枉何由分午日逐蛟龍宐爲
吊寃文翻覆古共然名宦安足云貧士任枯槁捕
魚清江濱有時荷鋤犁曠野自耕耘不然春山隱
谿澗何氤氳山鹿自有場賢達亦顧羣二賢歸去
來世上徒紛紛

白湖寺後谿宿雲門

落日山水清亂流鳴淙淙舊蒲雨抽節新花水對

牕谿中日已沒歸鳥多爲雙杉松引直路出谷臨
前湖洲渚晚色靜又觀花與蒲入谿復登嶺草淺
寒流速圓月明高峯春山因獨宿松陰澄初夜曙
色分遠目日出城南隅青青媚川陸亂花覆東郭
碧氣銷長林四郊一清影千里歸寸心前瞻王作
去程促却戀雲門深畢景有餘興到家彈玉琴

宿五度谿僊人得道處

五度谿上花生根依兩崖二月尋片雲願宿秦人
家上見懸崖崩下見白水湍僊人彈碁處石上青
蘿盤無處求玉童翳翳唯林巒前谿遇新月聊取

玉琴彈

宿王昌齡隱居

清谿深不極

一作側

隱處惟孤雲松際露微月清光

猶爲君茅亭宿花影藥院滋苔紋余亦謝時去西山鷺鶴羣

張天師草堂

靈谿宴清宇傍倚枯松根花藥繞方丈瀑泉飛至門四氣閉炎熱兩崖改明昏夜深月暫皎亭午朝始嗽信是天人居幽幽寂無喧萬壑應鳴磬諸峯接一鬼遂登僊子谷因醉田中樽時節開玉書睿

映飛天言心化更無影目精焉累煩忽而舉霄漢
寥落空南軒

空靈山應田叟

湖南無村落山舍多黃茅淳朴如太古其人居鳥
巢牧童唱巴歌野老亦獻嘲泊舟問谿口言語皆
啞咬土俗不尚農豈暇論肥磽莫徭射禽獸浮客
烹魚鮫余亦罾罾人獲麋今尚苞敬君中國來願
以充其庖日入聞虎鬪空山滿咆哮懷人雖共安
異域終難交白水可洗心采薇可爲肴拽策背落
日江風鳴梢梢

贈三侍御

高山臨大澤正月蘆花乾陽色薰兩崖不改青松
寒士賢守孤貞古來皆共難明君錯任一作甚才臺
上飛三鸞操與霜雪明量與江海寬束身視天涯
安能窮波瀾孤鶴在枳棘一枝非所安逸翮望絕
霄見欲凌雲端層臺何其高山石流洪湍固知非
天池鳴躍同所歎誰念獨枯槁四十長江干責躬
貴知己効拙從一官折翮悲高風苦饑候朝餐湖
月映大海天空何漫漫托身未知所謀道庶不刊
吟彼喬木詩一夕常三歎

客有自燕而歸哀其老而贈之

羸馬朝自燕一身爲二連憶親拜孤塚移葬雙陵
前幽願從此畢劔心因獲全孟冬寒氣盛撫轡告
言旋碣石海北門餘寇惟朝鮮離離一寒騎孌孌
馳白天生別皆自取况爲士卒先寸心漁陽興落
日旌竿懸

白龍窟汎舟寄天台學道者

夕映翠山深餘暉在龍窟扁舟滄浪意淡淡花影
沒西浮入天色南望對雲闕因憶莓苔峯初陽濯
玄髮泉蘿兩幽映松鶴間清越碧海瑩子神玉膏

澤人骨忽然爲枯木微興遂如兀應寂中有天明
心外無物環迴從所汎夜靜猶不歇澹然意無限
身與波上月

潭州留別

賢達不相識偶然交已深宿帆謁郡佐悵別依禪
心湘水流入海楚雲千里心望君杉松夜山月清
猿吟

送陸擢

聖代多才俊一作秀陸生何考槃南山高松樹不合
空摧殘九月湖上別北風秋雨寒殷勤歎孤鳳早

食金琅玕

送李十一尉臨谿

泠泠花下琴君唱，渡江吟天際。一帆影預懸，離別
心以言神僊。尉因致瑤華音，回軫撫商調。越谿澄
碧林。

送楚十少府

微風吹霜氣，寒影流

一作明

前除落日未能別，蕭蕭

林木虛愁煙。閉千里僊尉，其何如因送別鶴操。贈
之雙鯉魚，鯉魚在金盤。別鶴哀有餘心事，則如此
請君開素書。

太公哀晚遇

日出渭流白文王畋獵時釣翁在蘆葦川澤無熊
熊詔書起遺賢匹馬今致辭因稱江海人臣老筋
力衰遲遲詣天車怏怏悟靈龜兵馬更不獵君臣
皆共怡同車至咸陽心影無磷緇四牡玉墀下一
言爲帝師王侯擁朱門軒蓋耀長逵古來榮華人
遭遇誰知之落日懸桑榆光景有頓虧倏悲天地
人雖貴將何爲

昭君墓

漢宮豈不死異域傷獨沒萬里馱黃金蛾眉爲枯

骨迴車

一作軍

夜出塞立馬皆不發共恨丹青人墳

上哭明月

吊王將軍墓

嫖姚北伐時深入幾

一作強

千里戰餘落日黃軍敗

鼓聲死嘗聞漢飛將可奪單于壘今與山鬼鄰殘
兵哭遼水

七言古詩

古意

井底玉冰洞地明琥珀轆轤青絲索僊人騎鳳披
彩霞挽上銀瓶照天閣黃金作身雙飛龍口銜明

月噴芙蓉一時渡海望不見曉上青樓十二重

古興

轆轤井上雙梧桐飛鳥銜花日將沒深閨女兒莫
愁年玉指泠泠怨金碧石榴裙裾蛺蝶飛見人不
語顰蛾眉青絲素絲紅綠絲織成錦衾當爲誰

張公子行

一作古意

日出乘釣舟嫋嫋持釣竿涉淇傍荷花驄馬閑金
鞍使君一作俠客白雲中腰間懸轆轤出門事嫖姚爲
君西擊胡胡兵漢騎相馳逐轉戰孤軍海西曲一作
北海百尺旌竿沈黑雲邊笳落日不堪聞

五言律詩

燕居

青苔常滿路流水復入林
遠與市朝隔日聞雞犬
深寥寥丘中想渺渺清上心
嘯傲轉無欲不知成
陸沉

江行

平湖四無際此夜泛孤舟
明月異方意吳歌令客
愁鄉園碧雲外兄弟滌江頭
萬里無歸信傷心看
斗牛

泊舟盱眙

泊舟淮水次霜降夕流清夜久潮侵岸天寒月近
城平沙依鴈宿候館聽雞鳴鄉國雲霄外誰堪羈
旅情

題破山寺後院

清晨入古寺初日照高林一作曲逕通幽處禪
房花木深山光悅鳥性潭影空人心萬籟此俱寂
但聞鐘磬音

聽琴秋夜贈寇尊師

琴當秋夜聽况是洞中人一指指應法一聲聲爽
神寒蟲臨砌默一作清吹裏燈頻何必鍾期耳高

閑自可親

送李大都護

單于雖不戰都護事邊深
君執幕中祕能爲高士
心海頭近初月積裏多愁陰
西望
將分淚
滿襟

七言絕句

塞下曲四首

玉帛朝回望帝鄉
烏孫歸去不稱王
天涯靜處無
征戰
兵氣銷爲日月光

北海陰風動地來
明君祠上望龍堆
觸體皆是長

城卒日暮沙場飛作灰

龍鬪雌雄勢已分山崩鬼哭恨將軍黃河直北千
餘里冤氣蒼茫成黑雲

因嫁單于怨在邊蛾眉萬古葬胡天漢家此去三
千里青塚常無草木煙

塞下

鐵馬胡裘出漢營分麾百道救龍城左賢未遁一作
斬旌竿折過在將軍不在兵

吳故宮

越女歌長君且聽芙蓉香滿水邊城豈知一日終

非主猶自如，今有怨聲。

落第長安

家園好在

一作住

尚留秦耻作，明時失路人。恐逢故

里鶯花笑，且向長安度一春。

戲題湖上

湖上老人坐磯

一作島

頭，湖裏桃花水却流。竹竿嫋

嫋白波

一作波無

際不知何者吞吾釣。

三日尋李九莊

雨歇楊林東渡頭，永和三日盪輕舟。故人家在桃花岸，直到門前豁水流。

題法院

勝景門閑對遠山竹深松老半含煙皎

一作皓月
又作素月

殿中三度磬水晶宮裏一僧禪

送宇文六

花映垂楊漢水清微風林裏一枝輕
卽今江北還如此愁殺江南離別情

嶺猿

裊裊淒淒

一作杳杳
杳依依

清且切鷓鴣飛處又斜陽相思

嶺上相思淚不到三聲合斷腸

丙籤二十七

唐音統籤卷

一百二十三

岑參南陽人少孤貧

參大父長倩位宰執武后朝酷吏誣搆誅參父兄弟五人

並賜死

編覽史籍工綴文屬辭尚清用意尚切所得

多入佳境迴拔孤秀出於常情每一篇絕筆人競

傳寫吟諷時擬之吳均吳遜天寶三載登進士第

由率府參軍遷大理評事兼監察御史充安西節

度判官入爲右補闕頻上章奏斥權佞改起居郎

尋出虢州長史又改太子中允以殿中侍御史充

關西節度判官代宗在陝總戎委以書奏之任入

爲祠功二外郎虞庫二正郎出爲嘉州刺史杜鴻

漸在鎮表爲職方郎兼侍御史列幕府使罷仍寓

居蜀中時中原多故劔外表冠多附會節帥自結

參獨著招蜀客歸之辭明順逆之理祀輒將行而

卒集八卷

唐宋志同

杜確撰序云公嗣子佐公收遺文編次今所存蓋其舊也高棅

云杜子美常表薦參識度清遠議論雅正又嘗有詩云岑生多新詩性亦嗜醇酎又云高岑殊緩步沈鮑得同行其詩實爲少陵所稱許云殷璠曰參詩語奇體峻意亦新遠至如長風吹白茅野火燒枯桑可謂逸矣又山風吹空林颯颯如有人室稱幽致也王元美曰高岑一時不易上下岑氣骨不如達夫適上而婉縟過之選體時時入古岑尤陡健歌行磊落奇峻五言近體高岑俱不能佳七言岑稍穠厚又曰七言律岑才甚麗情稍不足

五言古詩

沐卧

偶得魚鳥趣復茲水木涼
遠峯帶雨色落日搖川
光白中西山藥袖裏淮南
方唯愛隱几時獨遊無
何鄉

終南山雙峯草堂作

斂跡歸山田息心謝時輩
畫還草堂卧但與雙峯
對興來恣佳遊事恆符勝
槩著書高牕下日夕見
城內曩爲世人誤遂負平
生愛久與林壑辭及來
松杉大偶茲精廬近數預
名僧會有時逐樵漁盡
一作日不冠帶崖口上新
月石門破蒼藹色向羣

永

木深光搖一潭碎緬懷鄭生谷頗憶嚴子瀨勝事
猶可追斯人逸千載

緱山西峯草堂作

結廬對中嶽青翠常在門遂耽水木興盡作漁樵
言頃來闕章句但欲閑心竟日色隱空谷蟬聲喧
暮村曩聞道士語偶見清淨源隱几閱吹葉乘秋
眺歸根獨遊念求仲開徑招王孫片雨下南澗孤
峯出東原棲遲慮益澹脫畧道彌敦野靄晴拂枕
客帆遙入軒尚平今何在此意誰與論佇立雲去
盡蒼蒼月開園

田假歸白閣西草堂

雷聲傍太白雨在八九峯東望白閣雲半入紫閣
松勝槩紛滿目衡門趣彌濃幸有數畝田得延二
仲蹤早聞達士語偶與心相通誤狗一微官還山
愧塵容釣竿不復把野碓無人春惆悵飛鳥盡南
溪聞夜鐘

自潘陵尖還少室居止秋夕憑眺

草堂近少室夜靜聞風松月出潘陵尖照見十六
峯九月山葉赤谿雲淡秋容火點伊陽村煙深嵩
角鐘尚子不可見蔣生難再逢勝愜只自知佳趣

爲誰濃昨詣山僧期上到天壇東向下望雷雨雲
間見回龍又與人羣疎轉愛丘壑中心澹水木會
興幽魚鳥通希微了自釋出處乃不同况本無宦
情誓將依道風

太一石壘崖口潭舊廬招王學士

驟雨鳴淅瀝颼颼谿谷寒碧潭千餘尺下見蛟龍
蟠石門吞衆流絕岸呀層巒幽趣倏萬變奇觀非
一端偶逐干祿徒十年皆小官抱板尋舊壘弊廬
臨迅湍君子滿清朝小人思掛冠釀酒漉松子引
泉通竹竿何必濯滄浪不能釣嚴灘此地可遺老

勸君來考槃

南池夜宿思王屋青蘿舊齋

池上卧煩暑不櫛復不巾有時清風來自謂羲皇
人天晴雲歸盡雨洗月色新公事常不閑道書日
生塵早年家王屋五別青蘿春安得還舊山東谿
垂釣綸

陪羣公龍岡寺泛舟得盤字

漢水天一色寺樓波底看鐘鳴長空夕月出孤舟
寒映酒見山火隔簾聞夜灘紫鱗掣芳餌紅燭然
金盤良乂典正樞勝遊情未闌此中堪倒載須盡

主人歡

春半與羣公同遊元處士別業

郭南處士宅門外羅羣峯勝槩忽相引春華今正
濃山厨竹裏爨野碓藤間春對酒雲數片捲簾花
萬重巖泉嗟到晚州縣欲歸慵草色帶朝雨灘聲
兼夜鐘愛茲清俗慮何事老塵容况有林下約轉
懷方外蹤

郡齋南池招楊麟

郡僻人事少雲山常

一作
遮

眼前偶從池上醉便向

舟中眠與子居最近同官情又偏閑時耐相訪正

有牀頭錢

行軍詩二首

時扈從
在鳳翔

吾竊悲此生四十幸未老一朝逢世亂終日不自
保胡兵奪長安宮殿生野草傷心五陵樹不見二
京道我皇在行軍兵馬日浩浩胡雛尚未滅諸將
懇征討昨聞咸陽敗殺戮淨如掃積屍若丘山流
血漲豐鎬干戈礙鄉國豺虎滿城堡村落皆無人
蕭條空桑棗儒生有長策無處豁懷抱塊然傷時
人舉目哭蒼昊

早知逢世亂少小謾讀書悔不學彎弓向東射狂

胡偶從諫官列謬向丹墀趨未能匡吾君虛作一
丈夫撫劔傷世路哀歌泣良圖功業今已遲覽鏡
悲白鬚平生抱忠義不敢私微軀

郡齋閑坐

負郭無良田屈身狗微祿平生好疎曠何事就羈
束幸曾趨丹墀數得侍黃屋故人盡榮寵誰念此
幽獨州縣非宿心雲山欣滿目頃來廢章句終日
披案牘佐郡竟何成自悲徒碌碌

衙郡守還

洪邁曰今監司郡守初上事既受
官吏參謁至晡時僚屬復伺于客

次胥吏列立庭下通刺曰衙以聽進退之
命禮不知起何時岑參爲虢州上佐有衙

郡守詩

此也

世事何反覆一身難可料頭白翻折腰還家私自
笑所嗟無產業妻子嫌不調五斗米留人東谿憶
垂釣

暮秋山行

疲馬卧長坂夕陽下通津山風吹空林颯颯如有
人蒼旻霽涼雨石路無飛塵千念集暮節萬籟悲
蕭晨鷓鴣昨夜鳴蕙草色已陳况在遠行客自然

多苦辛

江上阻風雨

江上風欲來泊舟未能發氣昏雨已過突兀山復
出積浪成高丘盤渦爲嵌窟雲低岸花掩水漲灘
草沒老樹虵蛻皮崩崖龍退骨平生抱忠信艱險
殊可忽

經火山

火山今始見突兀蒲昌東赤醖燒慮雲炎氛蒸塞
空不知陰陽炭何獨然此中我來嚴冬時山下多
炎風人馬盡汗流孰知造化功

題鐵門關樓

鐵關天西涯極目少行客關門一小吏終日對石

壁橋跨千仞危路盤兩崖窄試登西樓望一望頭
欲白

安西館中思長安

家在日出處朝來起東風風從帝鄉來不異家信
通絕域地欲盡孤城天遂窮彌年但走馬終日隨
飄蓬寂寞不得意辛勤方在公胡塵淨古塞兵氣
屯邊空鄉路眇天外歸期如夢中遙憑長房術爲
縮天山東

早上五盤嶺

平旦驅駟馬曠然出五盤江廻兩崖鬪日隱羣峯

月千系重
攢蒼翠煙景曙森沈雲樹寒松疎露孤驛花密藏
迴灘棧道谿雨滑畚田原草乾此行爲知己不覺
蜀道難

下外江舟懷終南舊居

杉冷曉猿悲楚客心欲絕孤舟巴山雨萬里陽臺
月水宿已淹時蘆花白如雪顏容老難顏把鏡悲
鬢髮早年好金丹方士傳口訣敝廬終南下久與
眞侶別道書誰更開藥竈煙遂滅頃來厭塵網安
得有僊骨巖壑歸去來公卿是何物

峩眉東脚臨江聽猿懷二室舊廬

峩眉煙翠新昨夜秋雨洗分明峯頭樹倒插秋江
底久別二室間圖他五斗米哀猿不可聽北客欲
流涕

赴犍爲經龍閣道

側徑轉青壁危梁透滄波汗流出鳥道膽碎窺龍
渦驟雨暗谿口歸雲網松蘿屢聞羌兒笛厭聽巴
童歌江路險復永夢覓愁更多聖朝幸與郡不敢
嫌岷峨

與鮮于庶子自梓州成都少尹自襄城同行
至利州道中作

剖竹向西蜀岷峨眇天涯空深北闕戀豈憚南路
賒前日登七盤曠然見三巴漢水出岷冢梁山控
褒斜棧道籠迅湍行人貫層崖巖傾劣通馬石窄
難容車深林怯魍魅洞穴防龍蛇水種新插秧山
田正燒畝夜猿嘯山雨曙鳥鳴江花過千方始飯
經時旋及瓜數公各遊宦千里皆辭家言笑忘羈
旅還如在京華

東歸發犍爲至泥谿舟中作

前日解侯印泛舟歸山東平旦發犍爲逍遙信迴
風七月江水大滄波漲秋空復有峩眉僧誦經在

舟中夜泊防虎豹朝行逼魚龍一道鳴迅湍兩邊
走連峯猿拂岸花落鳥啼簷樹重煙靄吳楚連泝
沿湖海通憶昨在西掖復曾入南宮日出朝聖人
端笏陪羣公不意今棄置何由豁心胸吾當海上
去且學乘槎翁

阻戎瀘間羣盜

戊申歲余罷官東歸屬
斷江路時淹泊戎州作

南州林莽深亾命聚其間殺人無昏曉屍積填江
灣餓虎銜欄縷饑鳥啄心肝腥衰難草死血流江
水殷夜雨風蕭蕭鬼哭連楚山三江行人絕無里
無征船唯有白鳥飛空見秋月圓罷官自南蜀假

月二系會
道來茲川瞻望陽臺雲惆悵不敢前帝鄉北近日
瀘口南連蠻何當遇長房縮地到京關願得隨琴
高騎魚向雲煙明主每憂人節使恆在邊兵革方
禦寇爾惡胡不懷吾竊悲爾徒此生安得全

左僕射相國冀公東齋幽居同黎拾遺賦獻
丞相百僚長兩朝居此官成功雲雷際翊聖天地
安不矜南宮貴祇向東山看宅占鳳城勝隴中雲
嶺寬午時松軒夕六月藤齋寒玉珮胥女蘿金印
耀牡丹山蟬上衣桁野鼠綠藥盤有時披道書竟
日不着冠幸得趨省闈常欣在門闈何當復持衡

短翮期風搏

東歸留題太常徐卿草堂

在蜀

不謝古名將吾知徐太常年纔三十餘勇冠西南
方頃會策匹馬獨出持兩槍虜騎無數來見君不
敢當漢將小衛霍蜀將凌關張卿月益清澄將星
轉光芒復居少城北遙對岷山陽車馬日盈門賓
客常滿堂曲池蔭高樹小徑穿叢篁江鳥飛入簾
山雲來到牀題詩芭蕉滑對酒棕花香諸將射獵
時君在翰墨場聖主賞勳業邊城最輝光與我情
綢繆相知久芬芳忽作萬里別東歸三峽長

過王判官西津所居

勝迹不在遠愛君池館幽素懷巖中諾宛得塵外
遊何必到清谿忽來見滄洲潛移岷山石暗引巴
江流樹密晝先夜竹深夏已秋沙鳥上華牀谿花
萼簾鉤夫子賤簪冕注心向林丘落日出公堂垂
綸乘釣舟賦詩憶楚老載酒隨江鷗翛然一傲吏
獨在西津頭

過緱山王處士黑石谷隱居

舊居緱山下偏識緱山雲處士久不還見雲如見
君別來逾十秋兵馬日紛紛青谿開戰場黑谷屯

行軍遂令巢由輩遠逐麋鹿羣獨有南澗水潺湲
如昔聞

尋鞏縣南李處士別業

先生近南郭茅屋臨東川桑葉隱村戶蘆花映釣
船有時著書暇盡日牕中眠且喜間井近灌田同
一泉

登嘉州凌雲寺作

寺出飛鳥外青峯戴朱樓搏壁躋半空喜得登上
頭始知宇宙闊下看三江流天晴見峨眉如向波
上浮迴曠煙景豁陰森棕栴稠願割區中緣永從

塵外遊迴風吹虎穴片雨當龍湫僧房雲濛濛夏
月寒颼颼迴合俯近郭寥落見遠舟勝槩無端倪
天宮可淹留一官詎足道欲去令人愁

與高適薛據登慈恩寺浮圖

塔勢如湧出孤高聳天宮登臨出世界磴道盤虛
空突兀壓神州崢嶸如鬼工四角礙白日七層摩
蒼穹下窺指高鳥俯聽聞驚風連山若波濤奔湊
似朝東青槐夾馳道宮聽聞驚風秋色從西來蒼
然滿關中五陵北原上萬古青濛濛淨理了可悟
勝因夙所宗誓將掛冠去覺道資無窮

登千福寺楚金禪師法華院多寶塔

多寶滅已久蓮華付吾師寶塔凌太空忽如湧出
時數年功不成一志堅自持明主親夢見世人今
始知千家獻黃金萬匠磨琉璃既空秦山木亦罄
天府貲焚香如雲屯幡蓋珊珊垂悉窅神繞護衆
魔不敢窺作禮覩靈境焚一作香方證疑庶割區
中緣脫身恆在茲

出關經華嶽寺訪法華雲公

野寺聊解鞍偶見法華僧開門對西嶽石壁青稜
層竹徑厚蒼苔松門盤紫藤長廊列古畫高殿懸

孤燈五月山雨熱三峯火雲蒸側聞樵人言深谷
猶積冰久願尋此山至今嗟未能謫官忽東走王
程苦相仍欲去戀雙樹何由窮一乘月輪吐山郭
夜色空清澄

題華嚴寺瓌公禪房

寺南幾十峯峯翠晴可掬朝從老僧飯昨日崖口
宿錫杖倚枯松繩牀映深竹東谿草堂路來往行
自熟生事在雲山誰能復羈束

觀楚國寺璋上人寫一切經院南有曲池深

竹

璋公不出院羣木閉深居誓寫一切經欲向萬卷
餘揮毫散林鵲研墨警池魚音翻四句偈字譯五
天書鳴鐘竹陰晚汲水桐花初氣潤衣鉢香煙
泛庭除此地日清淨諸天應未知不知將錫杖早
晚躡空虛